

溝洫疆理小記

溝洫疆理小記

程瑤田著

通藝錄六

遂人匠人溝洫異同考

井田溝洫名義記

遂人

匠人溝洫形體記

溝洫縱橫相承無奇數說

匠

人田首之遂不名屋閒說

遂人溝洫澮川不以閒

名夫說

遂人溝洫圖記

匠人溝洫舉隅圖記

溝渠異義記

稻人溝澮記

與丁升衡論某人言

溝洫書

與吳敬堃論某人言溝洫書

圖某甲某

乙匠人溝洫繆說形體記

論陳及之言匠人溝洫

之繆

論鄭漁仲言遂人匠人溝洫之繆

論王與

之黃文叔言匠人溝洫之繆

通論諸家溝洫繆說

之由

畎澮異同考

阡陌考

說閒

耦耕義述

遂人匠人溝洫異同考

遂人職云凡治野夫閒有遂遂上有徑十夫有溝溝上有畛百夫有洫洫上有涂千夫有澮澮上有道萬夫有川川上有路以達于畿鄭氏注以南畝圖之則遂縱溝橫洫縱澮橫九澮而川周其外焉按畝長畝也一夫之田析之百畝以爲百畝南畝者自北視之其畝橫陳於南也南畝故畝橫畝流於遂故遂縱遂在兩夫之間故謂之夫閒夫閒東西之間也其南北之間則溝橫連十夫故曰十夫有溝不可謂二十夫之間故變閒言夫也溝經十夫流入於洫洫之長如溝縱承十溝十溝之水

皆入焉故曰百夫有沍也沍之水入澮澮長十倍於沍而橫承十沍之分布千夫中者故曰千夫有澮也澮十之橫貫萬夫之中十澮之水竝入於川故曰萬夫有川澮橫川自縱也鄭氏謂九澮而川周其外恐不然矣川上有路以達於畿安得有縱路復有橫路耶其橫者則二萬夫閒之道也澮但言九亦考之不察矣匠人爲溝沍耜廣五寸二耜爲耦一耦之伐廣尺深尺謂之畎田首倍之廣二尺深二尺謂之遂九夫爲井井閒廣四尺深四尺謂之溝方十里爲成成閒廣八尺深八尺謂之洫方百里爲同同閒廣二尋深二仞謂之澮專達於川

各載其名凡天下之地勢兩山之間必有川焉大川之
上必有涂焉按畝在一夫百畝中物其土宜而爲之南
畝畝橫順其畝之首尾以行水入於遂故遂在田首井
田夫三爲屋三夫田首同枕一遂遂在屋閒非夫閒也
謂之屋者三夫相連綿如屋然三天三百畝如屋雷一遂其納
之如屋也但以一木行水也但
疆之以別夫而已不若遂人夫爲一遂以受畝水此所
以別夫閒而言田首也而鄭氏猶以遂者夫閒小溝釋
之遂非不在夫閒而記變其文者蓋自有義不宜襲用
遂人之文矣遂流井外溝橫承之井中無溝溝當兩井
之閒故以井閒命之其長連十井司馬法云井十爲溝
有溝連于遂也不嫌井

閒之稱濶十井之縱者其縱亦遂之在屋閒而受畎水

者也不受畎水者方為井閒之溝溝十之舍百井為一成十溝之水咸入

於洫洫縱當兩成之閒故曰成閒有洫也洫之長連十

成司馬法云十成為終言有通于洫而終也終通互補足通為小終也同成亦互相足成為小同也同為大成也亦不嫌成閒之

稱濶十成之橫者其橫亦溝之在井閒而受遂水者也

不受遂水者方為成閒之洫洫十之舍萬井為一同十洫之水咸入於澮

澮橫當兩同之閒故曰同閒有澮也澮達於川川在山

閒命之曰兩山之閒以例澮在同閒洫在成閒溝在井

閒其事相同厥名斯稱矣况夫閒為兩夫之閒人所共

知遙相疏證辨惑析疑舊聞舛互咎安辭哉是故萬井

之田一澮界兩同之間萬夫之田十澮納百洫之水故
一同之澮獨著專達於川之文而萬夫有川但準溝承
十遂之目形體之端緒不同標錄自爾殊致矣賈公彥
云井田之法畎縱遂橫溝縱洫橫澮縱川橫余謂縱橫
無定法視其畝之東南而爲之如賈說是東畝法耳左
傳晉使齊盡東其畝以晉伐齊必向東東畝則川橫而
川上路乃可東西行故曰唯吾子戎車之利也此畎縱
爲東畝畎橫爲南畝之確證遂人匠人二法所同者賈
氏不明匠人於遂不命夫閒之故而以爲夫閒縱者但
分其界而無遂又不明遂人夫閒之遂亦於田首爲之

而以為田首必在百畝之南故必易其縱橫以通其說
若然是井田之制必無南畝矣豈其然乎

賈氏亦主一澮達川三夫同遂於南

開字未誤解也

而後世解斯記者亦由不明田首之遂不命夫閒


之故而以為與遂人夫閒之遂同其實而橫為之於三
夫相連之中因置閒字之義勿復濫考而強以屋閒之
遂當井閒之溝以井閒之溝當成閒之澮以成閒之澮
當同閒之澮而以同閒之澮當兩山之閒之川而於是
專達於川之一澮不得不十倍增之而又或以為九矣
又按遂人匠人兩篇文義皆互相足者也夫閒有遂見
遂在兩夫之閒兼辭也十夫有溝百夫有澮千夫有澮

萬夫有川但就小水入大水言之偏辭也若以偏辭言
遂則曰一夫有遂矣以兼辭言溝洫澮川則必曰二十
夫之間二百夫之間二千夫之間二萬夫之間矣田首
謂之遂偏辭也井閒謂之溝成閒謂之洫同閒謂之澮
兼辭也若以兼辭言遂則曰屋閒謂之遂矣以偏辭言
溝洫澮則遂在田首溝在井首洫在成首澮在同首當
云井首謂之溝成首謂之洫同首謂之澮矣惟澮所專
達之川則必曰兩山之間難舉偏辭故溯洄相從澮洫
溝亦皆以閒言之此古人造言之法出於自然治古文
者可求而得之者也

遂人一夫百畝畝遂溝之圖

以兩畝圖之

遂



遂人一夫百畝畝遂溝之圖

溝

此一夫百畝
中容百畝也
以圖中難盡
百畝故但作
十畝以例之

遂人遂溝洫之圖

中容百夫

運


[illegible]

每方空中容
前圖夫百畝
也此圖見十
夫共一溝之
法又見百夫
共一畝之法

遂人涇澮川之圖

中容萬夫


川



每方空中容
前圖百夫者
也此圖見千
夫共一澮之
法

匠人九夫爲井遂溝之圖

以南取圖之




此九夫同井
也見夫三爲
屋屋共一遂
之法

匠人遂溝洫之圖

中積百井
一成之用


洫



此圖見十井
其一溝之法

匠人溝洫澮川之圖

中積萬井之田



此圖見十成
其一澮之法
每方空中容
前圖一成之
田也

井田溝洫名義記

余既考定匠人爲溝洫之制乃復取鄭氏注小司徒職所引司馬法之文而讀之然後歎聖人立法之精其命名爲不苟也畝百爲夫夫之名命於受田之人也夫三爲屋屋之名命於三夫之遂同承畝水象屋霑之垂於檐也屋三爲井井之名命於疆別九夫二縱二橫如井字也井十爲通通之名命於十井之溝下通於洫也通十爲成成之名命於縱橫十里爲方百井井田之制於是乎成也十成爲終終之名命於洫納百溝行百里以入於澮井田水道之長終於此矣十終爲同同大成也

一澮上承沍溝遂畎之水以專達於川其有一畎之水
不入於遂一遂之水不入於溝一溝之水不入於沍一
沍之水不入於澮者乎以此言同同之名爲弗可易矣
神禹之治水也濬畎澮以入於川是故水之行於地中
也小大之形三者而已故制字以象形一水爲く畎二
く爲々澮衆々爲川及其盡力於溝沍也則以爲非多
其廣狹淺深之等不足以盡疏濬之理而莫萬世農業
之安於是由川而澮又等而增之而沍而溝而遂乃以
承夫百畝中之畎夫然後一旦雨集以大受小遞相承
焉不崇朝而盡達於川矣其承畎者名之以遂何也慮

其蓄而弗暢也故遂之曷爲承之以溝也一縱一橫乃見交暢之義溝葺也縱橫之說也名之曰溝所以象其形象形曰溝會意曰沍沍字从皿以沍承溝謂是血脈之流通也澮會也會上衆水以達於川初分終合所以盡水之性情而不使有汎溢之害也鄭氏注小司徒云溝沍爲除水害余亦以爲備潦非備旱也歲歲治之務使水之來也其涸可立而待若以之備旱則宜豬之不宜溝之宜蓄之不宜洩之今之遞廣而遞濶也是溝之法非豬之法是洩之非蓄之也故使溝沍之制存而不壞豈惟原田之利農無水潦之患而天下之川亦因之

而治矣夫川之淤塞也有所以淤塞之者也溝洫不治則入川之水皆汙濁之渾流實足以爲川害然則溝洫不壞卽謂天下之川永無崩決之虞可也夫神禹之治水也旣疏九河又濬漯川此何故哉觀其盡力於溝洫可想見神禹之用心矣

管子立政篇溝瀆不遂於隘鄣水不安其藏國之貧也尚書大傳溝瀆雍過水爲民害則責之司空此皆溝洫爲除水害之證

遂人匠人溝洫形體記

遂人夫閒有遂以南畝圖之東西之閒也而匠人之遂在屋閒屋閒亦東西之閒蓋南畝畎橫遂之長短雖不同其受東流之畎水則同也屋閒爲東西則其南北之閒但疆之以別夫賈氏所謂夫閒無遂是也鄭氏注匠人田首之遂爲夫閒小溝承用遂人之文非有誤也以井閒可通十井命之則夫閒亦可通三夫命之然是記脩辭之法恐人誤以兩遂之形體爲同其實故別之曰田首而不名夫閒又井田有夫三爲屋之名其遂實在屋閒則夫閒之名移之三夫南北疆別之處適符其實

此賈氏命井中無遂者爲夫閒亦因事立名也但拘於
遂人南畝遂縱以縱者爲夫閒今圖匠人亦必謂夫閒
之縱者無遂而易其遂縱者爲遂橫夫遂橫則必縱
而爲東畝矣後人南畝東畝每致互譌蓋由賈氏此圖
滋之惑也然以賈氏匠人東畝之圖與鄭氏遂人南畝
之圖互較之則二法形體之異同益明鄭圖遂人夫閒
遂縱賈圖匠人夫閒無遂者縱也遂人十夫溝橫匠人
三夫遂橫也遂人百夫洫縱匠人井閒之溝溝連十井
者縱也遂人千夫澮橫匠人成閒之洫洫連十成者橫
也遂人萬夫川縱

鄭圖川周
其外者誤

匠人同閒專達於川之澮縱

也是故匠人以一澮納萬井中之十澮視遂人以一川
納萬夫中之十澮匠人十澮每澮納千井中之百溝視
遂人十澮每澮納千夫中之十澮匠人千井中之百溝
每溝納十井中之三十遂視遂人千夫中之十澮每澮
納百夫中之十溝匠人十井中之三十遂每遂納三夫
中之三百畝視遂人百夫中之十溝每溝納十夫中之
十遂相較而遞相升降者一等蓋以賈氏匠人東畝之
圖其縱者起於畝鄭氏遂人南畝之圖其縱者起於遂
故其始也匠人以畝配遂人之遂而其終也匠人以澮
配遂人之川其始也遂人之畝獨橫爲之而無所配其

終也匠人之川亦獨橫焉而無所配矣然其所以不能相同之故則以匠人井閒之溝直連十井至成閒之漚亦準之而連十成遂人之溝自一夫連及十夫至百夫之漚則止於百夫不準之而連及千夫故遂人百夫有漚千夫則有漚不若匠人百井此漚千井亦猶是此漚至於萬井始以一漚上承十漚而下專達於川而遂人萬夫乃以一川上承十漚二法漚數相懸遂至於十倍此遂人匠人溝漚形體之大致而鄭賈二氏之圖可互證者如此

溝洫縱橫相承無奇數說

遂人之制九澮而川周其外其說始於鄭氏之誤而踵其誤者至謂洫溝以上皆以一承九不知鄭氏於澮乃變法以求其通致有九澮之誤未嘗言澮之承洫洫之數亦爲九洫之承溝溝之數亦爲九也嘗試言之遂人夫閒有遂遂承百畎也十夫有溝溝承十遂也若止九遂則南畝遂縱南流於溝其最東一夫無遂無遂可也而此一夫之畎不東流入於洫乎百夫有洫洫承十溝也若止九溝則溝橫東流於洫其最南十夫無溝無溝可也若止十夫之遂不南流入於澮乎千夫有澮澮可也而此十夫之遂不南流入於澮乎千夫有澮澮可也

承十漚也若止九漚則漚縱南流於漚其最東百夫無
漚無漚亦無不可也而此百夫之溝不東流入於川乎
萬夫有川川承十漚也若止九漚則漚橫東流於川其
最南之千夫無漚而鄭氏爲川以當之是此千夫之漚
獨不入漚而入於其所設之川吾爲此說鄭氏九漚之
誤見而後人遂溝漚漚皆以一承九之誤益見矣夫後
人何以如此其誤也彼蓋爲圖於紙上見最東一夫斷
不容有遂以與漚相竝最南十夫斷不容有溝以與漚
相竝最東百夫斷不容有漚以與川相竝而遂不遑計
及於漚之入漚遂之入漚溝之入川皆跨越兩重爲萬

萬不可者也又以其謬誤之說推而施於匠人之制破專達於川之記文而以九澮布於一同之中今卽就其

說而言之

用東廠法與賈氏同然賈氏亦主一澮言未嘗誤也

其最東之十成無澮而納

澮之川又在南勢必用鄭氏遂人川周其外之法而爲川於其東以納其最東之九十九澮且其最東十成成內每澮但承二十九溝有最東之三夫無溝其夫間東流之遂水亦必與其澮水竝入於東畔之川矣又此十成之中澮凡九十九其最南之十井無澮而有其南流之二十九溝其水不得由澮入澮乃至於川而直自達於川且其最南之十井每井有其最南之三夫夫皆有

南流之百畝而無最南之一遂是其百畝之水亦不得由遂而溝而漚而澮乃至於川而必與其二十九溝之水竝自達於川矣其他每成之中皆止二十九溝則自東十成之西凡九十成成皆有最東之十井井皆有最東之三夫三夫皆有其東流之二遂其水皆不得由溝入漚以至於澮而自入於澮矣夫井田之制備於一同安所盡得方一同之地而爲之卽有田一成亦可施井牧之法而澮漚之制亦何必全備諸小水道亦何必不可自達於川然規其大致以立法則由畝而遂而溝而漚而澮而川必遞相承焉不可有所跨越以自破其例

余故詳說之以與世之治古文者共商之

匠人田首之遂不名屋閒說

遂人夫閒有遂而匠人則云田首謂之遂余謂變夫閒言田首者以其遂連三夫在屋閒不與遂人之遂同其實也然何以不名屋閒也曰恐破井閒成閒同閒諸名之例也澮之承沍也沍長一同以入之故澮得同閒之名沍之承溝也溝長一成以入之故沍得成閒之名溝之承遂也遂長一井以入之故溝得井閒之名而遂之承沍也沍長一夫以入之遂實在夫閒而不言夫閒者恐與遂人異實同名也然若直言屋閒則是以遂之長命之矣夫苟以其長命之則推之於溝溝長十井井十

爲通不當據通以名溝乎推之於漚漚長十成十成爲

終不當據終以名漚乎又推之於漚設漚之上又連一

同乃至山麓川之承漚也漚自山麓流入之故曰兩山之間必有川焉則漚之名又何以命之

此所以匠人之遂旣避夫閒之名而又不得名之爲屋

閒也惟變言田首則遂之名猶是緣畝生義鄭氏注稻人遂田首對漚爲田

尾恐非命名本義按淮南本經訓置餘糧於畝首田學紀聞亦載子思子曰餘糧宿諸畝首可證田之首尾指百畝中言也旣不犯亦不

悖實當時立法命名之精意於此知考工一記用配周

禮五官恐非周末以後人所能假託爲之者也

遂人溝洫滄川不以閒名夫說

匠人所謂田首謂之遂者蓋以畝之長爲一夫故南畝
畝橫其東爲一夫之首兩夫之田其閒置遂此遂人所
以命遂爲夫閒也夫閒與田首義本相足匠人自夫以
往遞更其名有屋井通成終同之異因其異名足以生
義而氏之故有井閒成閒同閒諸稱也若遂人自夫而
至於萬夫但舉其夫數而未嘗異其名是故遂之承畝
也以畝之長命曰夫閒而溝之承遂也遂之長與畝同
猶是一夫之長也故不得準其承遂者以閒命之而變
其法因溝之長準其夫數以命之如是則溝曰十夫承

十遂也。澠曰：百夫承十溝也。澠曰：千夫承十澠也。川曰：萬夫承十澠也。然雖與夫閒有遂相變，而其遞承之義亦猶之遂承百畝。然則夫閒之遂如準十夫以後諸名以命之，亦可易之曰百畝。有遂蓋畝百爲夫，遂之承畝也。東西度之則一夫遂之長也，南北度之則百畝縱橫之義，名之不可以相假也。如此然則賈氏謂匠人夫閒無遂者，語尚未安。夫之云必順其田首而後命之曰夫閒，然則鄭氏注匠人遂爲夫閒小溝者，語非有誤。但當識三夫之遂與一夫之遂爲不同，其實故記人修辭之法，必變言田首以避遂人夫閒之名也。

遂人溝洫圖記

圖不載
書中

遂人溝洫南畝之圖一川上承十澮澮承十洫十澮百
洫也洫承十溝百洫千溝也溝承十遂千溝萬遂也是
故一夫百畝遂在夫閒紅圖之縱而南行者是也十夫
千畝而有溝墨圖之橫而東行者是也百夫萬畝而有
洫青圖之縱而南行者是也千夫十萬畝而有澮朱圖
之橫而東行者是也萬夫百萬畝而有川黃圖之縱而
南行者是也川上有路澮上有道洫上有涂溝上有畛
遂上有徑竝圖以綠若夫遂承百畝畝橫而東行在百
畝中不能圖者也圖成萬夫之田爲方三十三里又少

半里周頌噫嘻之詩曰駿發爾私終三十里亦服爾耕
十千維耦斯圖亦見其梗概矣

匠人溝洫舉隅圖記

圖不載書中

匠人爲溝洫以南畝圖之井田之制備於一

東南一隅蓋四而方一同者也東邊黃縱者川也川長無數一同之川視此倍之南邊朱橫者澮也澮達於川川在兩山之間故澮起於山麓一同之澮亦視此倍之介乎同閒所謂同閒有澮也中青縱者五則洫也長連十成盡於一同百里故亦視此倍之數則倍五爲十介乎成閒所謂成閒有洫也洫中墨橫者二百五十是爲溝長連十井介乎井閒故曰井閒有溝四倍之則一同之溝數凡千也溝中紅縱者遂也一同之遂數凡三萬

三夫共一遂也一夫百畝中有橫者百畝方空小不能
圖也夫三爲屋然各私其百畝不可不疆別之其綠橫
在中者所以別夫也準之而爲阡陌則綠在紅外者遂
上人所行也綠在墨外者溝上人所行也綠在青外者
涇上人所行也綠在朱外者澮上人所行也綠在黃裏
者所謂川上有涂者也涂未有不在川裏者自澮以上
人行處竝圖水外蓋準遂上者爲之遂上行處若在水
裏則百畝入遂必過其所行當中斷之爲百有所不可
者也

溝渠異義記

河漢江濟淮天下之大水自入海者也鴻荒之世下流
不由地中行幾不得其入海之道九州之川其不能自
達於海如渭洛諸水下流亦或與地平亦幾不得其入
河之道其他畎澮小水不得其入川之道者莫不皆然
神禹之治之也相其地勢循其地防而疏濬之使之行
於地中以注川注海然後汎濫於天下者平矣此皆水
之有源者也水旣平然後治田疆之理之蓋水患除而
民可耕也然或淫雨爲災如春秋書大水無麥苗書大
水饑又如左氏傳所謂天作淫雨害於衆盛者神禹疆

理天下早念及之謂此雖非水之有源者然其來突如
不使之由地中行則其汎濫而爲害於田也與洪水之
懷山襄陵等於是盡力溝洫溝洫之爲也遞廣遞淡周
官之法宜卽神禹之法爲除水害蓋疏濬之極功爲溝
洫與治洪水事之相爲經緯者也若夫後世引水爲渠
以溉田此溝洫之變法溝洫爲除水害引渠爲興水利
然水利興而水害益烈九川將不能滌原又遑言溝洫
之能治乎此太史公河渠書極言渠之大爲河害原始
要終致意深遠讀者不能察也而班史作志易河渠爲
溝洫名不得其正矣渠之道蓋古人豬水之道也周官

稻人職以豬畜水蓋下地多水而稻麥芒種於水宜於是
是以豬畜之及其作田也乃引水以涉楊其芟然其作
田也則曰以溝蕩水以遂均水以列舍水列卽畝也以
澮寫水是其水之賴於溝洫也猶主疏寫之義而其爲
豬也則因其汙下之地所自有之水而豬之非破壞大
川之體而引其水以爲之也賈讓治河中策言穿渠溉
田非聖人之法誠哉非聖人之法也鄭康成氏言溝洫
爲除水害誠哉聖人之法異於後世之言水利者也余
因考定溝洫有見於聖人主除水害而利存引渠之法
主興水利而害卒不能免故作溝渠異義記以明之

稻人溝澮記

余觀於野而得稻人溝澮之制焉稻人掌稼下地卽所云稼澤也蓋水澤下隰之地一遇淫雨漫沒隨之內水難出外水易入無減水之法斯不得與水爭地於是豬以畜之使難出者有所歸無減水之法更不得令川水來侵吾地於是防以止之使易入者不內汎夫然後疆理其地爲遂於其每夫之田首則水之偏鍾於最下之地者今皆以其遂分而受之所謂均水也其水之在百畝中者則爲畎以居之畎必成列是謂以列舍水遂中之水受之以溝溝浚於遂水乃流行無所滯是曰蕩水

而澮又浹於溝其承溝水也隨納隨消是曰寫水如此則以澮承溝以溝承遂以遂承列遞相受焉水乃不爲田害而因以涉楊其芟以作田也芟卽其所云夏以水殄草而芟蕘之鄭氏注謂以澤地爲稼者必於六月大雨時行以水病絕草之後生者至秋水涸芟之明年乃稼其注涉楊其芟謂開遂舍水於列中因涉之楊去前年所芟之草而治田種稻余謂此治溝澮亦專爲除水害蓋芒種雖資於水而大浸亦必傷其稼故稻人之治之也旣先有事於豬防以去其漫沒之大患而後爲溝澮使水盡由地中行水由地中田乃可作涉楊其芟蓋

治溝澮之餘事順而撫者也始余之行於野也見近川處往往有大溝可通於川今皆爲通車馬之孔道私心以爲此古溝洫之遺也當開阡陌時所謂徑客牛馬畛客大車涂客乘車一軌道客二軌路客三軌者皆不能容車馬矣於是車馬皆在溝中行今之孔道在溝中者蓋自周秦之閒其來久矣及余行於澤地覩其形勢私又以爲必有因地制宜之道而詳考周官制度如稻人所云者至纖至悉然後知法良意美非聖人其孰能與於斯耶至其所謂均水者準之疏九河事蓋相伴所不同者小大之異耳

與丁升衢論時人言溝洫書

升衢足下承示某人言周官五溝同異云井以溝加一夫得十夫十井以洫加十夫得百夫成以澮加百夫得千夫意蓋以匠人之一井當遂人之十夫以其十井當其百夫以其百井當其千夫推之則以其千井當其萬夫又推之則以其萬井當其萬夫者十也以十萬夫開方之初商其九萬夫爲方百里已與一同相伴鄭氏遂人注所謂九而方一同者是也今據其說以十萬夫當萬井實餘萬夫若用開方廉隅法當破其方三十三里少半里之體而必有所不可乃孤懸萬夫之田於其一

同之隅是兩者之體已不能相合矣以鄭氏九而方一同之說言之則夫數里數無不同但溝洫之體不同耳今乃強言其溝洫之同而至於不能同其體且不能同其里數與其夫數亦安用溝洫之同乎況其溝洫之說固有較然不同者今以其所言一同之溝洫與十萬夫之溝洫較之其廣濶之體足相當但較其長耳其言人爲之川環一同是面皆百里也姑無論四面與鄰分其半分半之說亦其書所云卽以全數言長才四百里遂人亦姑無論其必十萬夫數乃相當卽以九而當一同言之其環外之川長已四百里中更有川縱橫各二共長四百里是

遂人之川較匠人增一倍矣同閒之澮縱橫各九共長
千八百里九而當一同之澮綜計長百里者二十七共
長二千七百里是遂人之澮較匠人增三之一矣一同
所含之澮長百里者九十共長九千里九而當一同之
澮其長百里者僅二十七共長二千七百里是遂人之
澮較匠人又不足九十分之六十三矣一同所含之溝
長百里者九十共長九千里九而當一同之溝長百里
者二百七十共長二萬七千里是遂人之溝較匠人增
三之二矣溝澮之數以其法較之其不同也如是夫體
既不同里數夫數皆不同溝澮之數又如此其不同而

獲國同也豈其然乎且如其法以異乘同除算之井闌
溝畛占四畝一同之溝畛其數九千共占三萬六千畝
爲三百六十夫成閒九涇及涂占七百二十畝一同之
涇涂其數九百共占七萬二千畝爲七百二十夫同九百
涇爲九
涇者百當以百乘之今其書以九十乘之故但有六萬四
千八百畝爲六百四十八夫是其算法謬誤特爲正之同閒澮道縱橫

各九共占二萬八千八百畝爲二百八十八夫川環一
同與鄰四同各分其半并四面之路共占九千六百畝
爲九十六夫凡占千四百六十四夫今萬井當加萬夫
所占遠不足以當其數此何說也且以溝涇所占當其
所加之夫而遂人則於夫外有溝涇不較之匠人爲餘

其溝漚之地乎匠人萬井當遂人之十萬夫旣餘其萬夫溝漚所占不足當其十分之二而遂人又自餘其溝漚之地是欲求其同而益之以不同烏在其爲溝漚之同也至其言漚占成閒謂一成中有九漚與其言溝占井閒爲一溝在井外者不一例且漚但有九則成閒有十井之溝自入漚不由漚而入漚矣其言漚爲縱橫各九姑無論其說之非卽其數但有九者言之是九十成之漚入漚十成之漚自入於川且縱橫皆有漚是又有九十通之溝入漚矣其言四面皆有川是東面有十成之漚自入於川則南面更有百井之溝自入於川矣至

於陂之自入於溝澮川遂之自入於澮川陵亂踰越遠
數之不能終其物夫溝澮之制爲治經一大事不容置
之不辨敢抒鄙見如此瑤田再拜

據遂人匠人二經文義及鄭賈二氏說則匠人遂長三
夫與遂人遂長一夫不同也匠人溝長十井與遂人溝
長十夫不同也匠人澮長十成與遂人百夫有澮實亦
十夫之長不同也匠人澮亦長十成但有一澮與遂人
千夫有澮實亦百夫之長而又有十澮不同也瑤田前
作溝澮異同考并爲圖以明之今又作文數篇反復考
訂於二經田制形體及命名一字不可假借處推勘無

遺義鄭賈二氏注說之精竝爲發明之其有小誤處則
据經文正之因字數多至萬言不能錄呈晤時攜以就
正可也

與吳激堃論某人言溝洫書

激堃同年足下去年見某氏子所撰溝洫述意以爲此不知而作者可置勿辯耳頃夜坐再閱之殊不能已於言蓋此事在今日爲絕學繆說最易惑人略而言之爲此事求其是非有意於斥其非也其言曰十夫外洫內遂縱畫二粗九細百夫外澮內溝橫畫二粗九細千夫外川內洫縱畫二粗九細萬夫外川內澮橫畫二粗九細此其遂人溝洫形體之繆說也其言曰東川一南川一一句一股萬井洩十分東川之一南川一澮九十句十股千井洩十分東川之一洫九十十分南川澮之一

百句百股百井洩百分東川十分涇之一十分南川澮
之一溝九百千句千股十井洩百分東川十分涇之一
遂九千百分南川澮十分溝之一萬句萬股一井洩此
其匠人溝涇形體之繆說也瑤田以其二形體圖而校
之所謂一句一股萬井洩者視遂人之一句一股萬夫
洩也所謂十句十股千井洩者視遂人之十句十股千
夫洩也所謂百句百股百井洩者視遂人之百句百股
百夫洩也所謂千句千股十井洩者視遂人之千句千
股十夫洩也所謂萬句萬股一井洩者視遂人之萬句
萬股一夫洩也以匠人之井數當遂人之夫數則是遂

人夫閒有遂者匠人之遂在井閒矣故一同之遂九千
遂人十夫有溝者匠人之溝承十井矣故一同之溝九
百遂人百夫有渰者匠人之渰承百井矣故一同之渰
九十遂人千夫有澮者匠人之澮承千井矣故一同之
澮九遂人萬夫有川者匠人之川承萬井矣而一同不
止一川故有東川又有南川由是言之則匠人之文但
當言井閒有遂十井有溝百井有渰千井有澮萬井有
川矣何必變遂人之文於溝以下而以諸閒字言之耶
旣以諸閒字言之而所謂同閒有澮者繆說以爲非兩
同之閒乃一同之中則所謂成閒有渰者亦宜在一成

之中今其繆說乃又在兩成之間其長則止一成所謂井間有溝者亦宜在一井之中今其繆說乃又在兩井之間其長則連十井何其矛盾自陷若是也且聞爲兩者之間見於經記傳注者如階間楹間席間豆間軫間碑間蓋遽數之不能終其物矣何獨至於同間而異之雖古書字法俗儒未暇演詳而遂人遂在夫間匠人遂在田首竝承百畝中之呶水此其在兩夫之間一童子而知之者今其繆說匠人之遂九千是遂在井外矣夫遂在井外則井中無以別夫每井有六夫之呶水不得入遂而九千遂之繆說又不可通於是自破其例於每

井之中又加二遂而爲之說曰匠人三遂承九夫是一
同之田不止九千遂而有二萬九千遂矣抑何進退無
據若斯之甚也瑤田之圖溝洫也以畝長一夫流入於
遂故遂在夫閒遂人所以言夫閒有遂也匠人變其文
曰田首謂在一夫之田首是田首亦猶之乎夫閒也匠
人遂長一井流入於溝故謂溝爲井閒溝長一成流入
於洫故謂洫爲成閒洫長一同流入於澮故謂澮爲同
閒澮起於山麓或一同或不及一同又或過乎一同其
長無定數以流入於川川北之田依於山川南之田亦
依於山故曰兩山之閒必有川焉川不可以田畝之法

命名此亦自然之勢也今其繆說駁余之圖曰由東而

西洫與洫鄰無以別萬井而一同之界廢

余圖至南畝其東為川西則山麓滄

所起處要知川至山麓能容一同者甚少先王立五溝之法必備於一同故必以同言之繆說真以為有二三同或十數同耶如果地大一同之西又有一同則人為之川雖出崇之氓亦解因地制宜之義儒者說經猶昧之耶由北而南溝與溝疊無以別百井

而一成之界廢

既有溝矣溝上又有畛矣此之謂界而以爲界廢真夢囈也要知五溝之濶廣不同專爲行水以大受小也五涂之

有廣狹以容車馬之多寡因以取稱於五溝而經界之正亦遂資於是焉然則溝涂大小之故義不起於經界也如其繆說則更

當駁余之圖曰由東而西遂與遂疊無以別一井而九

夫之界廢也而乃不致駁者余初不知其所以然及尋

其繆說始知其欲襲余之圖以通其繆說之窮彼欲襲

之烏能駁之而不知余圖有萬不可襲之以雜其繆說

中者苟一襲之則不得不遂與遂疊而自破其例以至
於進退無據若斯之甚也嗚呼是經多障昧者難明有
局外人送難彼說屈而余說庶得伸矣夫溝洫形體之
繆如此所謂本實先撥矣他所立說皆從此生試更條
舉而竟言之其言曰嘗以禹貢圖爲本一雍州一豫州
涇渭灞澧河濟瀍澗諸大川分股句折處畫方格或一
同或二三同或十數同夫井田之制備於一同故苟不
以一同言之不能盡井田之法耳非謂平地無岡巒者
處處有足一同之地也卽或不止於一同究非於一同
之外有異制故記所舉者但至於一同而止所以明井

田溝洫之制非論川原形勢也今其繆說有畫爲十數同者不知畫之果何所用也抑雍豫二州果有其地如其所畫無豪釐之差乎我不敢知矣其言曰東南句股溝之委西北句股涂之首又曰徑畛涂道路皆在田之西北遂溝洫澮川皆在田之東南今試以其論匠人者言之川長百里在一同之東南兩邊路亦長百里又在一同之西北兩邊記曰川上有路如其繆說川路各在一方面而可謂之路在川上乎其言曰內外皆九正流一支流今卽以其論遂人者言之九澮爲正流矣其南邊千夫無澮但有九洫是謂此九洫者爲九澮之支流也

夫沔自沔矣安可呼爲澮之支流乎推之九沔正流亦不得以東邊之溝爲支流九溝正流亦不得以南邊之遂爲支流矣其言曰九夫由遂而溝而沔遲一夫自入沔速九十夫由溝而沔而澮遲十夫自入澮速九百夫由沔而澮而川遲百夫自入川速九千夫由澮而川遲千夫自入川速遲者正流速者分瀉此卽其九正流一支流之繆說然卽其繆說而繹之遂水由澮而沔而澮者只八十一夫無九十夫自入澮者只九夫無十夫仍有十夫無遂則畎自入沔矣其南面緣邊之成又皆無澮則更有不同者矣溝水由沔而澮而川者八百十九

夫又有無溝遂自入澮者九十夫有無澮溝自入東面之川者九十夫有無遂畎自入東面之川者一夫綜計之凡十成由澮而澮而川者只八百十九夫無九百夫由澮入川及自入川者百八十一夫不止百夫其南面緣邊之十成有九成無澮則由澮入川一成無澮則溝自入川又有不同者矣澮水由澮而川者七千二百九十夫又有無溝遂自入澮者七百二十九夫有無遂畎自由澮入澮者八十一夫

此不靠東南兩邊之八十一成凡八千一百夫

其無澮遂自

入南面之川者八百十夫又有不由澮遂自入南面之川者八十一夫有無遂畎自由澮入南面之川者九夫

此南面緣邊之
九成凡九百夫

其無漚但有溝水自入東面之川者八百十

夫又有不由溝遂自入漚者八十一夫有無遂畎自入

東川者九夫

此東面緣邊之
九成凡九百夫

其無漚無漚遂自由溝入東面

之川者八十一夫又有遂自入南面之川者九夫有無

遂畎自入東面之川者十夫

此東南隅之
一成凡百夫

綜計之凡百成

由漚入川者只八千一百八十一夫無九千夫自入川

者千八百十九夫不止千夫蓋其繆說皆從九起筭而

昏不自知故繆說之中又加繆有如此者矣其言曰或

減爲一漚置之同外又曰鄭注九漚確不可易如其繆

說是謂鄭注匠人亦九漚也今鄭注可覆視也賈氏疏

之亦可覆視也鄭注遂人曰以南畝圖之則遂從溝橫
洫從澮橫九澮而川周其外焉注匠人曰此畿內采地
之制采地制井田異於鄉遂及公邑賈氏疏之曰遂人
九澮九而方一同則百里之內九九八十一澮井田則
一同惟一澮溝澮稀稠不同是井田異也然則匠人一
同一澮記文顯然鄭注顯然賈氏之疏鄭注也又顯然
而繆說溷拈鄭氏遂人注以駁余匠人之圖非夢囈而
何其言曰溝在井閒洫在成閒澮不可曰二十成之閒
故變文曰同閒不曰終閒者成與同皆見左氏終字本
司馬法或當時未有此名也如其繆說以終字爲非當

時之名故不稱設使終字爲當時之名則今之稱同間者繆說以爲當稱終閒矣不知十成爲終十終爲同同與終相去十倍其不可以相冒而稱也明矣而繆說云然何其憤憤若是也且通終之名命於溝洫之長成同之名命於積田之方故水之介乎其方者可以閒言之水之流而通焉流而終焉者不可以閒言之字義如此安能假借況其繆說謂澮不可曰二十成之閒言其文不辭不可舉以命名其實固自以爲是二十成之閒也夫二十成之閒何謂也謂彼十成此十成而澮居其閒也夫同閒何謂也謂彼一同此一同而澮居其閒也然

則同閒之名若以成命之則曰二百成之閒也夫二百成之與二十成雖至愚之人亦知其文之不可以相變也而繆說云然何其憤憤若是也抑豈以同閒之名本不當在一同之中且與其所謂成閒并閒者又不一例彼亦實有不安於其心者而後爲是說以誣古人見古人命名亦有遷就時耶嗚呼古人雖往來者難誣亦可畏也其言曰專達於川專字言遂溝洫皆有所假滄無所假而徑達及尋其繆說則有眦自達於川者有溝自達於川者亦有遂有洫自達於川者是亦無所假而徑達矣由其溝洫形體之繆說內外皆九故卽自立一說

有萬不能不矛盾自陷也如此其言曰大川之上必有
涂焉別言大川可知非同閒人爲之小川夫其繆說所
謂同閒乃一同之中其所流之水乃滄也安得復有人
爲之小川耶若其所謂南川据繆說止可謂之同外安
得復冒同閒之名耶凡上事去年與兄共閱時兄曾疑
其繆今瑤田言之知兄亦必以爲然也瑤田再拜

圖某甲某乙匠人溝洫繆說形體記

昔與丁升衢書論某甲言溝洫之繆近又有某乙作溝洫述意以較余之溝洫書二人之繆不同其悖經立異則一也不圖其形體以曉人人將有爲其所惑而不之察者矣其言遂人溝洫承鄭氏九澮而川周其外之誤然鄭氏但云九澮未言澮承九洫洫承九溝溝承九遂也故賈氏疏遂人注曰十夫則於首爲橫溝十溝卽百夫於東畔爲南北之洫十洫則於南畔爲橫澮九澮則於四畔爲大川是鄭氏於澮言九於洫溝則言十也至於匠人同閒有澮言一同之田止一澮文義顯然鄭氏

據經爲注未嘗有九澮之說故賈氏疏之曰遂人九澮而川周其外九而方一同則百里之內九九八十一澮井田則一同惟一澮也今二人之繆說一同之內必以九澮言之不但悖經其與鄭氏賈氏亦相戾矣試卽其繆說圖而觀之甲之圖每井中爲二遂其長一井流入於溝溝在兩井閒其長亦一井十井爲九溝流入於澮澮亦在兩井閒其長十井一成之中爲九澮流入於澮澮在兩成閒若亦長十井十成爲九澮流入於川則川亦在成閒是井田溝澮之制僅取備於一成有不可通者矣於是變其法引澮之長至於百井又於一同之中

交午爲之縱橫皆九澮以注於其一同四面環繞之川
乙之圖十井中爲二十九遂其長一井流入於溝溝在
兩井閒其長十井一成之中爲九溝流入於沍沍在兩
成閒其長亦十井十成爲九沍流入於澮澮亦在兩成
閒其長十成一同之中爲九澮以注於川謂之東川又
於南邊無澮之十成爲川以注之謂之南川二圖之繆
致不同也而皆生於一同九澮之誤又欲竝令溝沍皆
以九相承故甲之圖始於一井二遂爲二於三中卽爲
九於十中之意由中達外溝沍皆九而至於澮則澮欲
達川而尚遠於川其說萬不可通不得不引澮而長之

又縱橫皆爲九澮而交通之使至於川以遷就而成其

說也

案自二遂至九澮全襲鄭漁仲之繆說至是覺漁仲氏於咸閉之縱畫但有空不行水之道於理未通於是爲交通之澮以實其空而不知於理尤

不可通也漁仲氏只有橫九澮故只東西二川今加交通之縱九澮故又加南北二川然則四面之川亦襲漁仲之意而變通爲之者也

乙之圖始

於一同九澮澮承九漚漚承九溝溝承九遂由外而中

以至於遂則遂在井外不能以一遂承九夫之眇水其

說萬不可通不得不於井中更爲二遂以遷就而成其

說也乙之繆從外入故至于內而其說必窮甲之繆從

內出故至於外而其說必窮瑤田敢曰知言乎辭繆而


至於遁蓋有不得不窮者矣

或問曰某甲某乙之釋同間有澮也謂澮在一同之中

雖其立法各自爲說然井閒成閒同閒諸閒字皆不能一例彼曷不一例爲之而顧使人閒執其口乎余曰彼曷嘗不計及之然苟一例爲之則有萬不可通者矣嘗試爲擬一例之圖觀之先爲一同之大方空次於方空中橫畫九澮而謂之曰同閒有澮每澮所承者十成也每十成又縱畫九道其道在兩成閒非一成中也若欲一例則不可以爲沍於是每成又橫畫之爲九以一成而言之謂之成閒有沍以擬同閒之澮似也然沍與澮不相接而十成縱畫之九道有水無名者反得上受沍水而沍轉不能自歸於澮矣每沍所承者十井也每十

井又縱畫九道其道在兩井間非一井中也若欲一例則不可以爲溝於是每井又橫畫之爲二以一井而言之謂之井間有溝以擬同間之澮似也然溝與澮不相接而十井縱畫之九道有水無名者反得上受溝水而溝轉不能自歸於澮矣故一例爲之萬不可通且又不可內通於遂遂在田首與遂人之夫間同形今欲一例而爲於一夫百畝中而百畝中之百畝雖有極繆之妄人所不能改者也然則其不一例爲之亦有無可如何者矣

某甲膠說圖一




此百井一成之田掘其一隅中縱橫皆九溝之說則一成之田四其有一面無溝而靠川者一同緣邊之三十二成也有兩面無溝而靠川者一同四隅之四成也今一成之田只圖南面一溝者猶其二邊達溝九溝達泓九

溫地滄是受
溫水之滄止
於此矣例而
推之則九滄
達川川長十
成而薄溫之
事已盡安用
一同萬井之
田哉而先王
之法必至於
一同乃盡溝
溫之制此自
破其制引滄
而長至於十
成又縱橫爲
之之繆說所
由起也


某甲繆說圖二

外於環川



此萬井一同
 之田每方坐
 中谷前區一
 成之田也縱
 橫九澮四面
 環川繆哉

某乙繆說圖一



此百井一成之田也。清區溝遂以九相承是其例也。而先王之法其制必備於一同則九遂與畛有過不相接者不得於井中增二遂以接之。夫井中之有遂先王之法也。於其繆說則為自破其例矣。

某乙繆說圖二

東川

漕 漕 漕 漕 漕 漕 漕 漕

漕 漕 漕 漕 漕 漕 漕 漕 漕 漕

漕

此萬井一同
之田每方空
中容前圖一
成之田也案
南川之設但
受南面界邊
十成九漕之
水不過當一
漕之用雖曰
九漕實十漕
也漕止於九
者以東邊有
川納無漕之
漕止於九
者以南邊有
漕納無漕之
遂名雖九數
實皆十數彼

嘗不知故敢
特經立異也

論陳及之言匠人溝洫之繆

言溝洫之制其最劣者莫如陳及之以遂人匠人爲一

制謂遂人爲直度匠人爲方度

案此直度方度與鄭漁仲之說異鄭破壤遂人之法此不破壤遂人

之遂人十夫有溝匠人方一里爲四溝兩旁各一溝中

間二溝遂人百夫有洫匠人方十里爲四洫兩旁各一

洫中間二洫

據其說雖云方十里爲四洫實洫之長只三里又少半里卽以澮承之是方十里中爲洫三段共有十二洫也

至於

澮亦然

謂匠人方十里爲四洫亦方十里爲四澮也

夫一井四溝理所必無先王以

遂別夫今乃以溝別夫矣至一成橫爲四洫縱爲四澮

成長十井皆須破三井又少半井而爲之如此則溝之

長三井又少半井

案溝長過三井外則縱兩井之閒皆空不行水之界也

承之以洫而橫破

之漚之長亦三井又少半井承之以漚而縱破之是欲兩溝兩漚兩漚相去之夫數匠人亦同於遂人而以爲

二法一制也

謂如遂人十夫橫爲一溝是兩溝縱開一夫而爲之匠人方一里四溝亦是兩溝開一夫而爲之遂人百夫縱爲一漚是兩漚

橫開十夫而爲之匠人方十里跨二漚而爲四漚亦是兩漚開十夫而爲之遂人千夫橫爲一漚是兩漚縱開十夫而爲之匠人方十里四漚亦是兩漚開十夫而爲之

是欲於一成中据二漚二漚望之皆爲井字之形也然

大井成而小井不得不改則是匠人爲溝漚乃所以破

壞井田之法也又言畎水瀉於溝

案以溝別夫故畎水入溝

竟將中間

遂水刪去如此說經何足與辯而馬貴與田賦考引之

及爲案語猶舉其說而不能斥其非後之治經者或不

免爲其所惑故附論之昔朱子於當時人之說不以爲


然云溝洫以十爲數井田以九爲數

井田亦溝洫法當以遂人匠人對舉

決不

可合近世諸儒論田制乃欲混井田溝洫爲一則不可行鄭氏注分作兩項却是余以爲遂人位置溝洫澮川以十夫百夫千夫萬夫爲數而匠人則一井九夫一成九百夫一同九萬夫溝洫澮卽位置於此故特書曰井閒成閒同閒用遂人夫閒例也二法安得相合耶

据陳及之說擬圖



此百井一成之田也萬井百成之澮澮皆放此所謂四澮者中隔二澮實十二澮也井田只將為澮澮所破者畫出以見其繆他皆不畫者恐為所混也

論鄭漁仲言遂人匠人溝洫之繆

鄭漁仲之爲溝洫辨也謂周家井田之法通行於天下未嘗有鄉遂采地之異此夢囂也鄉遂之法見於遂人采地之法見於匠人義質而語詳判然二事今漁仲氏得尚其口者据有此二經耳若不信二經則是先王溝洫之制不傳於世久矣雖不言可也今漁仲氏顯悖之而陰据之以爲說宜其說之不能自全也其言曰遂人十夫有溝百夫有洫千夫有澮萬夫有川若案文讀則一同之地當有九川遂人之法不必擴而大之据一同以爲言不幾太多與匠人井閒有溝成閒有洫同閒有澮若案文讀則一同之地惟

有一澮不幾太少與又言鄭康成以鄉遂不用井畫采

地畫之爲井遂人匠人分爲二法求之於經無明文

案

經人之不爲井田確有可證周頌噎噎之詩曰噎噎爾私於三十里亦服爾耕十千爲耦穀發曰私是不畫井無公田之證也耦曰十千是萬夫之證也里曰三十是萬夫之田方三十三里又少半里舉成數之證也安得曰經無明文乎如其言是顯悖二經之法矣而

吾謂其陰据之爲說者何也其言曰一成之地九百夫

一孔一井井中有一溝直一列凡九井

九井乃十井之譌

計九箇

溝橫通一澮直是十夫之地有一溝百夫之地有一澮

九百夫之地有九澮而爲一成之地若一同之地有百

成九萬夫一孔爲一成中有九澮

直

橫一列乃有十成

計九十澮直通一大澮

橫

橫九澮而兩川周其外是謂

九萬夫之地合而言之成閒有漚是一成有九漚同閒有漚是一同有九漚匠人遂人之制無不相合但遂人以一直言之匠人以四方言之如其言是陰据遂人十夫有溝百夫有漚千夫有漚萬夫有川之文移而用之於匠人畫井之制夫井九夫也而曰有溝則非十夫有溝矣今通十井但置九溝而以九十夫當之因遂謂之十夫有溝推之一成九漚以九百夫當之百成九漚以九萬夫當之亦遂謂之百夫有漚千夫有漚也陰据遂人之文以巧合匠人之制於千夫有漚說已難強通矣而於遂人之制反顯悖之謂亦如匠人制井田但一直

而不方夫一直者是以一同之田十分其百成而取其十成於是遂人之澮其長十成遂人之川其長止一成

也豈不繆哉

余案周家井田之法孟子時已無可考公田之有僅據大田之詩以決之孟子考核之文不過如此今漁仲氏悖遂人之經而


謂鄉遂亦爲井田豈亦經行明文乎

況取其十成是九千夫非萬夫是九千夫

有澮非千夫有澮此何說也且其繆說有求全而卒難全者如曰一成九澮則必有十井之溝無澮可入又以一澮承九澮澮之長應止一成而入於川如此則一同之田不得不爲九川而無解於其遂人多川之繆說是九川有斷不能爲者不得已引澮而長之至於十成於是十成有九閒一同百成則有九十閒此皆大經界也

既不置涇又不能爲川但有空不行水之道而已夫空
不行水亦無不可特無如其溝之蓄而不能洩也將任
其汎濫焉可乎哉夫先王之所以爲溝涇正爲除水害
耳今一同之田有千溝不洩之水逆流於鄰田之涇於
是乎有百涇以一涇而受兩涇之水涇旣受害倒注於
溝而遂而畎無不受害迨於下洩也勢必咽塞噴阻其
爲害也可勝道耶余案一同止九澮則南邊有九十涇無澮可入而兩川在東西是不無川可入矣今姑無
論其受害與否而先王爲溝涇烏有令千溝之水不得
其所歸也哉

据鄭漁仲說擬圖一



此百井一成
之田中置九
渰邊不置渰
故有溝水無
渰可入之容

据鄭漁仲說擬圖二

川 盡 盡 盡 盡 盡 盡 盡 盡 川

海 海 海 海 海 海 海 海 海 海

| | | | | | | | | | |
|--|--|--|--|--|--|--|--|--|--|
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |

此萬井一同
 之田每方空
 中容龍一
 成之田也成
 開大經界不
 置涵此大繆
 也以此圖十
 分之一取十
 成而為鄉遂
 之制顧悖遂
 人之法亦大
 繆也圖即視
 此不必更擬

論王與之黃文叔言匠人溝洫之繆

宋人言溝洫之繆如陳氏汲鄭氏樵余旣圖而論之詳矣而淳祐閒王與之

次點

著周禮訂義說亦大繆其言

曰井田之法九夫共井未有十夫鄭氏所以謂遂人法與匠人不同也必欲合其說宜以大略計之不可拘也夫二法旣不同胡爲又欲合其說旣欲合其說必獨有所見二法實可相通胡爲又言宜大略計之不可拘也其立論先主於遷就強合甚無謂也然不可以不辨其言一成之內爲九洫是每洫上承井閒之九溝每溝上承一井之二遂就其說論之遂在夫閒固與遂人夫閒

有遂同矣溝在井閒一井九夫亦與十夫有溝同乎
承九溝僅九十夫亦與百夫有漚同乎其言一同中有
九十漚又言自漚而達者已有川是一同中先爲九川
然後自九川歸於同外專達之川意謂一漚九百夫略
當遂人千夫有漚一川九千夫略當遂人萬夫有川斯
其所謂大略計之不可拘者乎然而其繆甚矣一成以
上繆與鄭漁仲及某甲同不必圖圖其一同中九十漚
歸於九川九川又歸於一大川者以見三家之說其初
同者所繆同故其法同也然其法旣繆則於爲漚之後
皆窮於漚川之不相及勉而及之百罅千漏窮則必變

於是以繆救繆而卒不能相同者亦勢之所必然也訂

義中又載黃文叔


度

五官解之說曰一井十夫其中爲

遂而溝環之地居一夫實爲九夫積方百夫溝經緯其中而涇環之成方十里千夫之地十除其一爲百井九百夫涇經緯其中而澮環之同方百里十萬夫之地十除其一爲萬井九萬夫澮經緯其中而川環之如其說是百里一同四面環川一同之中縱橫九澮一成之中縱橫二涇百夫之中縱橫三溝井中之遂無說不知其亦爲縱橫二遂否也以九爲十復除一作九自師其心妄意經記其說之繆何足與辨獨是成長十井其中縱


橫二涇須破三井又少半井爲之略如陳及之之說但
陳說橫涇縱澮爲異耳而百夫中之縱橫三溝又皆爲
於井間井旣爲涇所破溝亦爲涇所破卽夫間之遂亦
有爲涇所占者矣則是遂也溝也卽其繆說原自整齊
於井中成中而以縱橫二涇加於其上使溝涇參差井
疆錯互經地之法固應爾耶圖之以見違經立異者卒
無一人能自全其說也

据主與之說擬圖



此萬井一同
 之田每方空
 中容百井一
 成之田也一
 成不圖者與
 鄭漁仲說同

据黃文叔說擬圖



此百井一成
 之田每方空
 中客一井九
 百晦也極加
 溝上破井占
 遂其繆甚矣
 一同不圖者
 某甲實習其
 說前已圖之
 互觀可也

通論諸家溝洫繆說之由

匠人溝洫之制始於夫閒之遂終於兩山閒之川自畎
水流於一夫之外而爲遂在兩夫之閒曰夫閒遂水
流出於一井之外而爲溝在兩井之閒曰井閒溝水流
出於一成之外而爲洫在兩成之閒曰成閒洫水流
出於一同之外而爲澮在兩同之閒曰同閒澮水則專達
於川川在兩山閒故曰兩山之閒必有川焉其爲法易
行而無所阻其爲事易明而無所疑而爲溝洫說者何
以紛紛然多繆論也其故在不明諸閒字之義爲兩者
之閒又疑於匠人一同止一澮之說復誤會遂人注九

澮而川周其外之語而欲通其說於匠人一同之內亦爲九澮又欲竝遂人匠人兩不相蒙之二法合而一之義之所是而故去之法之本無而強立之此所以各違其胸臆而卒不能自全其說也鄭漁仲之爲九澮於一同中也比物以爲澮則必爲九澮於一成中夫一同橫區之而爲十中有九閒以爲之澮其縱者每區又各區之而爲十成十區百成中有九十閒皆經界之犖犖大者旣以其不在成中而不能以之爲澮則但爲空不行水之道而已此其說之不能自全者也一同九澮一成九澮謂之同閒成閒比物以爲溝宜爲於井中謂之井

閉而井中有遂不能相讓不得已乃遷就而爲九溝於
十井之閒此又其說之不能自全者也陳及之之爲澮
也揣其初意亦謂一同一澮之太少而又欲合遂人匠
人之法而一之卽一同九澮亦難脗合於是於一成之
中縱爲四澮則兩澮閒以十夫適合遂人千夫之澮亦
兩澮閒以十夫也又於一成之中橫爲四澮則兩澮閒
以十夫適合遂人百夫之澮亦兩澮閒以十夫也夫其
初意亦不過欲於同中爲九澮耳既不能爲則曰與其
澮少無寧澮多苟可合二法而爲一雖穿破井田不顧
也雖十成之中多至於三十餘澮亦無不可也而尙得

自全其說乎王與之之爲澮也意謂一澮上承一成中之九澮則澮之長亦止於一成若一澮橫通十成則十成之縱九澮勢必爲空不行水之道與其空不行水以破其制不如爲九川於一同之中一川納九千夫九澮之水亦庶幾同於遂人萬夫有川矣夫如是則澮之長止於一成十成九澮百成九十澮矣聞於其中者一同九川非一同九澮矣九川復入大川川又有二法矣破壤至此其初意當不其然尙得謂之能自全其說乎黃文叔之爲澮也縱橫九澮於一同中而川周於其外縱橫九澮於一成中而澮周於其外於是溝澮相承矣澮

於何置焉而匠人之制溝必入湏湏乃入澮湏固不可
廢者也不得已乃於一成縱橫九溝之上因而重之爲
縱橫二湏旣破其井外之溝又破其溝中之井其說之
不能自全也審矣至近世某甲之爲澮也九澮縱橫於
同中四面環川於同外井以溝加一夫而爲十成以澮
加百夫而爲千是皆冒黃文叔之說也溝長一井成包
九湏則冒鄭漁仲之說也其所冒者先已不能自全其
說則冒之者可知矣某乙之爲澮也主乎九澮在一同
中謂之同閒而湏閒於兩成溝閒於兩井不用同閒之
例豈得謂之能自全其說乎旣有東川又有南川川有

二法又豈得謂之能自全其說乎凡六說宋人四近人
二其爲之法始於遂溝者及乎澮川必不能自全始乎
澮川者及乎遂溝必不能自全其故何也此五者古人
所立不能增損故古人成法不能變易欲知古人成法須知古
人之文章欲知古人文
章須通古
人之訓詁如欲變易之則或增之爲六或損之爲四然後
更其名號立爲新法以六人之才爲之則亦當有可觀
者矣

畎澮異同考

虞書禹濬畎澮距川與考工記匠人爲溝洫之畎澮兩事也濬畎澮與決川距海連文是治水內事天成之畎澮也曰濬者疏其壅塞明是天成有之爲溝洫之畎澮縱橫施於田間依仿天成者又推廣之以立名人力所爲故廣濶有一定之度天成者則無之矣說文畎作𡿨澮作𡿨遞增其畫以至於川字皆象天成之形是故𡿨者一水流於谷中之形也𡿨者水流出谷與他谷之水會而成谿故字从二𡿨不一水之形也川者羣𡿨所趨字从三𡿨衆水之形也

禹貢岱畎傳云畎谷也正義引爾雅釋水云水注川曰谿注谿曰谷胡朏明禹貢錙指云谷是

潤壑之流直出山中以注谿即禹所謂畎谿則谷口橫截一道受潤壑諸水以注川即禹所謂澮也按爾雅注谿曰谷下又云注谷曰澮注澮曰澮注澮曰澮於谷中之水又細分節目其所謂澮也澮也與虞書之澮異與考工之澮澮亦異蓋隨事立文義各有當均不相妨也禹於水治之後乃

暨稷播漸次設溝洫之制當是時田畝初定不知與匠人之所為五者皆備否書缺不可考矣然即五者備有

畎澮諸名亦自為一事不與濬畎澮同也溝洫廣濶之

度起於畎考工記匠人為溝洫耜廣五寸二耜為耦一

耦之伐

說文耒廣五寸為伐二伐為耦

廣尺濶尺謂之畎

呂氏春秋六尺之耜所以成畎也其博八寸所以成

畎也畎言八寸則所聞異辭

此人力所為在田閒者然田閒之畎又分為

兩事一為百畝行列之畎因以為田閒水道之始一夫

百畝中容萬步司馬法六尺為步步百為畝然則畝廣

六尺長六百尺詩所謂禾易長畝是也百畝則百畝矣
陸德明釋文引司馬云壠上曰畝壠中曰畝指謂此畝
也壠陂阪之名平地中之高者也有畝然後有壠有壠
斯有畝故曰壠上曰畝兩壠之中則畝故曰壠中曰畝

也

呂氏春秋曰上地棄畝下地棄畝又曰大畝小畝地竊
之也又曰畝欲廣以平畝欲小以深皆言壠中之畝

周書曰若稽田

既勤敷菑惟其陳脩爲厥疆畝按爾雅田一歲曰菑方
言云反草曰菑然則敷菑者以耜發田爲初耕反草之
事既耕去其草矣然後陳其行列而脩治之以爲疆畝
此古人爲畝之事也信南山之詩我疆我理南東其畝
畫其經界之謂疆

鄭注疆畫其界也

分其地理之謂理

鄭注理分地理也

是

故疆之以成井

疆本字爲三畫開二田言畫百畝之經界月令孟春之月皆脩封疆注云謂田首之分界也推廣言之則國之四竟

亦曰疆周官封人職凡封國封其四疆是也

所以別夫也理之以成畝所以爲畎也

畝有東南故畎有縱橫順其地理以分之而已矣故左傳賓媚人曰先王疆理天下物土之宜而布其利今吾子疆理諸侯而曰盡東其畝而已無顧土宜所謂土宜者東南之宜所謂物而布之者相其地理之順以分畫之云爾此古人爲畎之道也

南畝者其畎橫蓋自北視之畝陳於南也東畝者其畎縱蓋自西視之畝陳於

東也故鄭氏遂人注云以南畝圖之則遂縱溝橫漚縱漚橫以其畎橫故得遂縱也今北方幽燕之間有東西畛南北畛蓋物土之宜而爲之據遂人畛爲溝上之道南畝則溝東行故其畛爲東西東畝則溝南行故其畛爲南一爲播種行

北此古制存于田間者然而南畝東畝之名則無能却之者矣

列之畎漢書食貨志趙過能爲代田一畝三畎歲代處

故曰代田古法也后稷始爲畝田以二耜爲耦廣尺深尺爲畝長終畝一夫三百畝而播種於畝中苗生葉以上稍耨壠草因隤其土以附根苗故其詩曰或芸或芋黍稷薿薿芸除草也籽附根也言苗稍壯每耨輒附根比盛暑壠盡而根深能風與旱故薿薿而盛也夫畝廣六尺畝廣尺畝三畝三尺也餘三尺與畝相閒分高下所謂壠也以長畝平列百行是爲一夫百畝廣六百尺其始也畝一壠蓋百畝百壠今更爲畝以播種一夫三百畝亦三百壠耨壠草隤其土於畝以附根則畝浸高壠浸下屢隤屢附壠與畝平故曰壠盡而根深也古人

田芸芋之法畧具於此絲之詩曰迺疆迺理迺宜迺
畝鄭氏注時耕曰宣宣發也伐之言發也宣之尙所謂
一耦之伐廣尺深尺者與公劉之詩曰旣順乃宣順卽
理也是爲百畝行列之畝也宣之殆將爲播種行列之
畝與夫爲畝者必以耜發田也而發之又必順其地理
此理之所由名而一耦之伐謂之畝也故國語云農祥
晨正土乃脈發韋昭注脈以爲理又引農書云春土冒
振耕者急發然則農夫之春耕也固通可謂之爲畝與
代田者更易播種之名畝播則壟休歲歲易之以畝處
壟以壟處畝故曰歲代處也

管子地員篇漬田悉徙房卒齡注謂穿溝漬以溉田其地每年皆須更易也余

按賈田卽爲畝以攝種非引
水溉田之謂徒卽代處之義

與周禮一易之田意蓋畧同是故
代田之爲畝也畝三之以畝度畝則畝六畝說文云六
畝爲一畝猶云六尺爲一畝也

阡陌考

阡陌田閒之道也亦作仟佰

漢書成帝紀出入阡陌食貨志秦孝公用南君壤井田開仟佰

訓故

家釋阡陌者皆言南北曰阡東西曰陌惟應劭風俗通

具二義曰南北曰阡東西曰陌河東以東西爲阡南北

爲陌

應劭今風俗通逸之見於史記案隱引在秦本紀中又見朱子開阡陌辨引之朱子之文載王伯厚困學紀聞誤以河東爲河南一證之案隱諸本

再證之戴侗六書故

諒哉應氏之說得古人物土宜之義矣

引朱子語並作河東

天下之川皆東流故川橫則澮縱沍又橫溝又縱遂又橫遂橫者其畝必縱而畝陳於東是故東畝者天下之大勢也遂上有徑當百畝之間故謂之陌其徑東西行故曰東西曰陌也遂上之徑東西行則溝上之畛必南

北行畛當千畝之間故謂之阡而曰南北曰阡也然則
南北曰阡東西曰陌此阡陌之通義以其義出於東畝
蓋東畝者天下之大勢也然有東畝者亦有南畝者天
下之川大勢雖皆東流而河東之川獨南流河爲川之
最大者而或南流則其畝必南陳而爲南畝矣南畝畎
橫則遂縱徑亦縱而爲南北行豈不南北爲陌乎溝橫
畛亦橫而爲東西行豈不東西爲阡乎由是洫又縱庶在百夫
之閒故洫上之涂亦爲陌澮又橫澮在千夫之閒故澮上之涂亦爲阡而川則縱而南流矣河東之
川天下之大川也而獨南流故特舉之以爲東西爲阡
南北爲陌之例物土之宜以爲阡陌必具二義而不知

者乃是此非彼蓋亦勿思矣河至大伾又北流則畫畝之法與河東川之南流者同爲南畝而晉人乃欲使齊之境內盡東其畝此賓媚人所以有無顧土宜之斥也阡陌之名從遂人百畝千畝百夫千夫生義而匠人之阡陌則因乎遂人而名之義不繫乎畝與夫之千百命名之事惟變所適亦自然之勢也若夫商君開阡陌說者誤以秦廢井田而置阡陌以阡陌爲非先王之制帝紀注阡陌蓋秦時所缺所開也則朱子開阡陌辨斥之矣

阡陌圖

河自大坵以下其川北流

渾北流

渾北流

咸南水

咸南水

咸南水

海王彭東河為正

渾北流

滄南流

滄南流

滄南流

收東

滄南流

滄南流

滄南流

河自華陰以下其川東流

滄西流

滄西流

滄西流

滄西流

滄南流

滄南流

河東之川南流

說閒

考工記鳧氏爲鍾曰銑閒鼓閒鉦閒人不知其有兩銑
兩鼓兩鉦故命之曰銑閒鼓閒鉦閒也余爲說正之匠
人爲溝洫曰井閒成閒同閒人不知其溝介兩井洫介
兩成澮介兩同故命之曰井閒成閒同閒也余又爲說
正之或曰有徵乎余曰徵鳧氏者鳧氏也篆閒謂之枚
枚非兩篆閒之謂乎徵匠人者匠人也兩山之閒必有
川焉川非兩山閒之謂乎抑徵考工者考工也輶人余
爲輶人恐五輿人之誤分其軫閒以其一爲之軸圍軫爲輿之兩旁
木兩輪夾之輪中輻所湊者曰轂轂末曰軹伏兔曰轆

輶上承軫而下含軸軸末貫軾而出之故曰六尺有六寸之輪軾崇三尺有三寸也加軫與輶焉四尺也然則軫閒爲車之廣也車廣非兩軾閒之謂乎而鄭氏以輿後橫木爲軫非也輪人爲蓋弓長六尺謂之底軾五尺謂之底輪四尺謂之底軫案兩軾之廣中詘之不及六尺故六尺曰底軾兩輪之廣中詘之不及五尺故五尺曰底輪兩軫之廣中詘之不及四尺故四尺曰底軫若以輿後橫木爲軫則自蓋程至此二尺二寸耳安得謂四尺以底之耶周禮闕冬官以考工記補之則考工者周禮冬官之屬也於是進而徵之於周禮遂人夫閒有

遂遂非兩夫閒之謂乎大行人上公朝位賓主之閒九
十步諸侯朝位賓主之閒七十步諸子朝位賓主之閒
五十步朝位非賓主閒之謂乎周禮見閒字盡是矣周
禮儀禮皆周公致太平之書也於是進而徵之於儀禮
儀禮言楹閒者六而言兩楹閒者七也言階閒者十一
而言兩階閒者二也其不正當階閒者二事在士喪禮
甸人掘坎于階閒則必見之曰階閒少西明兩階所函
之中乃得謂之階閒也在既夕篇俛牀饌于階閒則記
必見之曰于西階東明兩階所函者亦通得謂之階閒
也鄉飲酒禮磬階閒縮蠶北面鼓之注云射則磬在東

余案鄉射禮縣于洗東北西面注云縣謂磬也縣於東方辟射位也言異於鄉飲酒禮無射位之辟故得在階閒階閒於鄉射禮則當射位也是故鄉飲酒禮磬在階閒北面鼓之射磬在東則西面鼓之也言豆閒者八言上豆閒者二公食大夫禮六豆韭菹醢醢昌本麋鸞菁菹鹿鸞所謂豆閒其韭菹醢醢兩豆之閒與少牢饋食禮獻尸四豆韭菹醢醢葵菹羸醢所謂豆閒亦韭菹醢醢兩豆之閒與其他或韭菹醢或葵菹羸醢或葵菹蠋醢諸兩豆者所謂豆閒卽此兩豆之閒也言上鉶閒者一公食大夫禮牛鉶羊鉶豕鉶牛鉶所謂鉶閒始牛羊

兩劍之閒與言物閒者四在鄉射禮與大射儀射有左物右物左物下射之物也故又謂之下物物閒非兩物閒之謂乎言手閒者一在有司徹主人二手橫執几進授尸尸二手受于手閒手閒非兩手閒之謂乎案二手受者二手執几之外廉下云還几縮之右手執外廉者言既受之後乃還其几而縮之移左手以執內廉其外廉則右手執之明初受時則二手並執外廉也

賈疏誤言今正之

二指閒者一在鄉射禮凡挾矢於二指之閒橫之注云二指謂左右手之第二指此以食指將指挾之則挾矢非兩指閒之謂乎案見二指者指有五其閒非一故必

見之也如六豆四鉶亦以其閒非一故必見上豆上鉶也是故上豆閒者上豆次豆之閒也上鉶閒者上鉶次鉶之閒也二指閒者二指三指之閒也不見三與次者不必見而可知之省文也省文者屬文之法也言建鼓閒者一在鄉射禮謂簫之所在阼階西西階東皆有建鼓簫非兩建鼓閒之謂乎言房戶閒者三言戶牖閒者二言醬清閒者一言中堂與東楹之閒者一言堂楹閒者一堂楹閒者卽中堂與楹之閒中堂與楹之閒者四分楹閒之一也此五者皆明見兩事者也公食大夫禮士羞庶羞設于稻南簋西閒容人案設羞於稻南則稻

在羞北稻羞之閒足以容人故下文賓北面自閒坐注云由兩饌之閒兩饌閒者稻與羞之閒也凡儀禮見閒字五十有三皆足以徵余之說以儀禮徵周禮於義爲近以數十事徵數事於證非孤矣

上篇

或問曰禮記七十子後學者之所傳述亦曲禮三千什一之存也而不足以徵乎余曰胡爲其不足以徵也曰兩楹閒兩階閒房戶閒則同乎儀禮也曰席閒則猶之乎言物閒也曰洙泗閒羸博閒棺槨閒天地閒則猶之乎言房戶閒也曰參保介之御閒中棖與闌之閒則猶

之乎言中堂與東楹之間也曲禮曰待坐於君子若有告者曰少閒願有復也言告與復兩時之間也其爲時不多故曰少閒也少閒云者猶論語病閒之云言其病小愈在病與復膳兩者之間也又曰離立者不出中間言不由兩立者之間也內則曰五日請浴三日具沐其閒面垢請澣足垢請洗所謂其閒以五日言則兩浴閒以三日言則兩沐閒也喪服小記曰三年而后葬者必再祭其祭之間不同時是則兩祭之間也雜記曰甕無簪衡實見閒注云藏於見外椁內疏云見外椁內二者之閒也又曰公七踊大夫五踊婦人居閒士三踊婦人

皆居閒注云踊必拾主人踊婦人踊賓乃踊然則婦人
踊居賓主之閒也三年問曰三年以爲隆總小功以爲
殺朞九月以爲閒朞九月之喪在隆殺之閒也投壺曰
揖賓就筵司射進度壺閒以二矢半在大戴禮作壺去
席二矢半然則所閒者壺席之閒也此小戴記之足徵
者也若夫大戴記則亦有之曰士與大夫之言之閒曰
玼珠以納其閒謂珮玉以玼珠納於衡璜衝牙之閒也
曰三十四十之閒曰河濟之閒曰律歷迭相治其閒不
容髮曰戶牖閒曰天地之閒其曰溝澮之閒言夷齊死
於其閒所閒者夷齊也其曰父子之閒兄弟之閒君臣

之閒鄉黨之閒言是人適當其閒所閒者是人也猶之
乎同閒有澮所閒者澮井閒有溝所閒者溝也其曰反
走如食閒言其閒無多時若論語無終食之閒違仁言
君子常不違仁求違於不違之閒卽終食之頃亦無之
又若左傳不朝之閒實言兩朝之閒有不朝時也其曰
不出閨門事在饋食之閒言他皆無所事求所事於其
閒惟此而已此修辭體用之別其歸則一而已矣或又
問曰虞夏商書皆不見閒字惟周書一見之顧命曰狄
設黼宸綴衣牖閒南嚮斯亦不足以徵之乎余曰如之
何其不足以徵之也觀禮天子設斧依于戶牖之閒爾

雅牖戶之閒謂之宸今日設黼宸牖閒者

孔疏云牖閒者窻窻戶西戶牖之閒也

蓋省一戶字猶雜記實見閒爲見棹之閒省一棹字此屬文之法也若中堂與東楹之閒中棖與闌之閒則其所不得省者也不得省者亦屬文之法也如之何其不足以徵之也問周易余曰惟繫辭及序卦兩見天地之閒而已問詩三百篇余曰余何徵焉然齊風有猗之閒魏風有十畝之閒猗山名曰猗之閒猗之道猗之陽則不在猗山之上可知十畝之閒猶其言十畝之外也是修辭之通語非所當徵者也然旣曰十畝則有九閒矣猶周髀言七衡六閒又曰七衡之閒國語言六律曰爲

之六閒謂六呂在陽律之閒斯亦足以徵矣難之者曰
不聞孟子之蹊閒乎而亦足以徵乎余曰蹊字之義一
見於月令孟冬塞蹊徑鄭氏注蹊徑鳥獸之道也

呂氏春
秋淮南

子竝作
蹊徑

一見於鄭氏注周易徑路爲山閒鹿兔之蹊又左

傳牽牛以蹊人之田漢書貨殖傳鷹隼未擊矰弋不施
於蹊隧然則蹊者獸蹄之所經無垠塢非有一定之跡
可睹指者也今乃介然用之而成路是路之成成於蹊
閒也曷足異乎難者又曰然則不聞墦閒乎余曰墦之
言墦也以不墦者閒之則墦閒亦猶兩者之閒類也難
者曰國語田在草閒何也余曰此言草多沒田也曰此

非田乎不幾乎閒於草乎難者曰左傳孔張立於客閒
執政禦之適客後何也余曰知客後之別於客閒則知
客閒矣難者曰莊周書支離攘臂其閒何也余曰會徵
武士衆且皇皇爾惴惴爾而支離獨於衆閒攘臂焉云
爾於是難者曰允若時則所謂同閒成閒井閒者其兩
同之閒兩成之閒兩井之閒乎余曰若疑吾言乎則請
爲若徵之於莊周書夫不曰翱翔蓬蒿之閒而存乎蓬
艾之閒乎夫不曰圍於陳蔡之閒而將處乎材與不材
之閒乎夫不曰四海之在天地之閒乎則請爲若徵之
於國語竄戎翟之閒非邠耶邠西接戎北接翟也居兩

大之閒非陳耶陳介乎晉楚也濟洛河潁之閒非虢鄆耶其地左濟右洛前潁後河也先王制諸侯五年四王一朝終則講於會其閒無由怠荒蓋謂朝會之閒也夫差闕爲深溝水出商魯之閒也則請爲若徵之於左傳曰閒于兩社爲公室輔曰師出陳鄭之閒曰殺有二陵焉必死是閒曰晉師在敖鄆之閒曰鄭國介居二大國之閒曰荀偃士勾請班師知伯怒投之以机出於其閒曰公會齊侯衛侯于脾上梁之閒

下篇

耦耕義述

耜之長。自本至末。尺有一寸。其本廣五寸。本有登以受耒者也。用以耕。一人之力能任一耜。而不能以一人勝一耜之耕。何也。無佐助之者。力不得出也。故必二人並二耜而耦耕之。合力同奮。刺土得勢。土乃迸發。以終長畝。不難也。故后稷之爲畝田。亦必用二耜爲耦。廣尺深尺之法也。地官里宰之職。以歲時合耦於耨。言農事最重。必於先年季冬之月。合耦於里宰治處。合耦者。察其體材。齊其年力。比而選之。使能彼此佐助。以耦耕也。周頌曰。亦服爾耕。十千維耦。又曰。其耕澤澤。千耦其耘。言

耕者必言耦。以非耦不能善其耕也。耦之爲言並也。共事並行。不可相無之謂耦。鄉射禮大射儀其射也。司射比其三耦。注以比爲選。次其才之相近者。疏更推言力之相近。瑤田謂桃氏爲劒。有上中下三制。弓人爲弓。亦有三制。以應服之者之形貌大小。射之比耦也。齊其才。齊其力。齊其形貌。乃可校其勝負。否則強弱相懸。勝負前定。何校之有。三耦既比。然後作射。其進射也。上下射並行。當階升堂。堂上亦並行。卒射降階又並行。並行故謂之耦。里宰合耦。義亦如是。不然農夫之耕。何與於里宰而必規規然爲之合耦者。以必耦耕。故先合耦。以齊

其才力形貌。以一人獨新不能出力。故必不可不耦耕。然則耦耕者在昔先民。莫不皆然。夫固有所受之也。趙過之爲代田也。用后稷畝田古法。畝廣六尺。中爲廣尺之畝者三。以間於三壤中而播種於畝。畝壤歲易而代處之。故曰代田。瑤田謂禹治水功成。乃盡力溝洫。五溝之法。備於一同。同方百里。以一澮受一同。十洫之水以納於川。每一洫受十成。百溝之水以納之。每一溝受十井。三十遂之水以納之。每一遂受三夫。三百畝之水以納之。一夫田百畝。爲百畝。是畝也。爲五溝行水之發端。疑自禹始爲之。今匠人爲溝洫。二耜爲耦。一耦之伐廣

尺深尺謂之畝。葢其遺制與。而非后稷畝田之畝也。人遂

五溝備於萬夫。始於夫間之遂不及入遂之畝。稷承禹已治行水之畝。而於其畝中廣

六尺之畝。分爲播種之行列。畝三之。亦用匠人二耜爲

耦。廣尺深尺之法。故得襲其名曰畝。以間於三壠中。畝

名雖同而實則異。行水與生穀不能同也。雖然。行水之

畝。亦有天成人爲之異。間嘗論之。說文畝。水小流也。字

本作く。增之爲川。漚又增之爲川。象天成水流之形。

虞書濬畝。漚距川。禹治水。疏其壅塞。故曰濬。明天成有

之。此畝之本義也。已而治溝洫。爲田間行水之道。人爲

之。故有廣濶之度。必始爲其水之小流者。故亦謂之畝。

二畝雖有天成。人爲之。然皆行水。皆行水之小流者。異中之同者也。若夫畝田之畝。播種生穀。義別於行水。以法同匠人行水之畝。於是相曰命名。此六書假借之義。引伸觸類。不可勝窮。匠人之畝。爲異中之同。此畝復爲同中之大異。亦自然之勢也。且畝田之爲之也。非一耨之伐。初次耕之。卽成行列。而遂可播種也。据農書耕以起土。惟其濇。耕後用耜。惟其細。澤地用耖。令土勻細。再三施功。乃可播種。雖後世之法。然余疑畝廣六尺。其初亦必盡耕之。不卽畫分行列。耕已。然後治以廣尺之法。令畝境相間。以播種而生穀。倘所謂爲畝者。或亦

宜然與。又耕必用耦。故言耕必曰耦耕。而主伯亞旅之人皆可以耦呼之。是故耘非必耦爲之。而詩曰千耦其耘。桀溺之耰。摩田覆也。不必耦。亦與長沮並呼之曰耦而耕。以是知呼農夫相助治田。並可曰耦。並可曰耦耕也。